

Մ Խ Ա Կ Ա Ն Խ Ո Ր Հ Ո Ի Ր Դ Ի

Բ Ա Ր Ո Յ Ա Կ Ա Ն Տ Ե Ղ Ե Կ Ա Տ Ո Ի Ո Ի Թ Ի Ի Ն

23 ՓԵՏՐՈՒԱՐԻ ԸՆԴՀԱՆՈՒՐ ԺՈՂՈՎԻՆ

/ ԿԱՐԴԱՑՈՒԱԾ ԱՏԵՆԱԴՊԻՐ ՎԱՀԷ ԲԷԹԼԻԻ ԿՈՂՄԷ /

Գերաշնորհ Սրբազան Հայր,
Արժանաշնորհ Տէր Հայր,
Դիւանի մեծաբարձ ատենապետ
եւ սիրելի անդամներ.

Ահաւասիկ այս Օր, անգամ մը եւս, Ծխական Խորհուրդիս կը
ներկայանայ իր մէկ տարուան գործունէութեան եւ աշխատանքին
տեղեկագիրը ներկայացնելու Ձեզի պատուական անդամներուդ, եւ
պարգելու տարուայ մը անցուդարձերուն արդիւնքները :

Դիւանի ԿԱՁՄՈՒԹԻՒՆ. — Տարի մը առաջ, Ձեր քուէներով
ընտրուած Խորհուրդիս, առաջին նիստին կազմեց իր դիւանը հետեւեալ կերպով .

ԱՏԵՆԱՊԵՏ	ԵՐՈՒԱՆԻ	ՇԻՇՄԱՆԵԱՆ
ՓՈՒ ԱՏԵՆԱՊԵՏ	ՆՈՒՊԱՐ	ՍՈՒՔԻԱՍԵԱՆ
ՓՈՒ ԱՏԵՆԱՊԵՏ	ԱՐԱՄ	ԿՈՒՏՍՈՒՋԵԱՆ
ԱՏԵՆԱԴՊԻՐ	ԱԼՊԷՐ	ՄԱՐՏԻԿԵԱՆ
ՓՈՒ ԱՏԵՆԱԴՊԻՐ	ՀԱՄԲԱՐ	ԿԷՕՋԷՐԵԱՆ
ԳԱՆՁԱՊԱՀ	ՎԱՀԷ	ԱԼԹՈՒՆԵԱՆ
ՀԱՇՈՒԱԿԱԼ	ՀՐԱՉ	ԹՈՐԻԿԵԱՆ
ԽՈՐՀՐԴԱԿԱՆ	ԵԴՈՒԱՐԴ	ԳԱՍԱՊԵԱՆ
ԽՈՐՀՐԴԱԿԱՆ	ՄԻՍԱՔ	ԿՈՒՏՍՈՒՋԵԱՆ

ՎԵՀԱՓԱՌԻՆ ԱՅՑԵԼՈՒԹԻՒՆԸ. — Ծխական Խորհուրդիս այս
շրջանին զուգահիւսեցաւ ամենանշանակելի եւ անմոռաց պատմական
այցելութիւնը Ամենայն Հայոց Վեհափառ Կաթողիկոս Ն.Ս.Օ.Տ.Տ
Վազգէն Ա.ի, որ եկաւ իր շնորհաբեր եւ Օրհնաբեր ներկայութեամբ
մխիթարելու հայաշատ գաղութս :

Վեհափառ Հայրապետին այս յոյժ պատմական այցելութեան
Օրերուն գաղութս ապրեցաւ աննախընթաց եռուզերի մէջ : Գանա —
տայի, Բէպէքի եւ Մոնթրէալի պատկան իշխանութիւնները, գլխաւոր
ութեամբ ընդհանուր կառավարիչ Ռոլան Միչընըրի, լուսահոգի
վարչապետ Տանիէլ ձոնսոնի եւ Բաղաքապետ մեծաբարձ Ժան Տըրա—
փոյի Վեհափառին ընծայուեցաւ արքայավայել ընդունելութիւն
եւ մենք անոնց կը պարտինք մեր ժողովուրդին մօտէն ծանօթ —
ցումը Գանատայի ասպնջական ժողովուրդին :

Վեհափառ Կաթողիկոսի այցելութեան կը պարտինք նաեւ մեր ազնիւ ժողովուրդին առատաձեռն նուիրատուութիւնները, որոնց շնորհիւ կարելի դարձաւ գնուած հողամասին պարտքը վճարել ամբողջութեամբ: Վեհափառ Հայրապետի քաղաքս գտնուած Օրերուն տեղի ունեցած պաշտօնական այցելութիւններն ու հաւաքոյթները բոլորն ալ, առանց բացառութեան, կազմակերպուած էին անթերի կերպով եւ որոնց համար Խորհուրդիս անդամներն ու կարգ մը ազնիւ ազգայինները, գլխաւորութեամբ Գերշ. Տ. Վաչէ Եպիսկոպոս Յովսէփեանի, ցոյց տուած էին դերմարդկային ճիշդ ու կորով: Այդ պատմական այցելութեան Օրերուն քաղաքիս գրեթէ բոլոր թերթերը, հեռատեսիլի ու ձայնասփիւռի կայանները զօրաշարժի ենթարկուած էին Վեհափառ Հայրապետի այցելութիւնը անմահացնելու համար: Այս առթիւ պարտք կը զգանք մեր սրտանց ու խորին շնորհակալութիւնները յայտնել բոլոր անոնց, որոնք իրենց գնահատելի մասնակցութեամբ կարելի դարձուցին այդ Օրերուն աննախընթաց եւ փայլուն յաջողութիւնները:

Բացառիկ հաճոյքով կ'արձանագրենք ստորեւ ն. Ս. Օ. Տ. Տ. Ամենայն Հայոց Վեհափառ Հայրապետին ու իր շքախումբին քաղաքս տուած պատմական այցելութեան մանրամասնութիւնները հակիրճ կերպով:

1 Յունիս 1968 Կաթողիկոսի Վեհափառ Հայրապետը, ընկերակցութեամբ Հիւսիսային Ամերիկայի Առաջնորդ Գերշ. Տ. Թորգոմ Արքեպիսկոպոս Մանուկեանի, Վրաստանի Հայոց Առաջնորդ Գերշ. Տ. Կոմիտաս Եպս. Տէր Ստեփանեանի, ինչպէս նաեւ էջմիածին ամսագրի խմբագիր եւ ձեմարանի տեսուչ Տիար Արթուր Հատիտեանի, ժամանեց Տորվալի Օդանաւակայանը, ու դիմաւորուեցաւ աննախընթաց շուքով ու մեծարանքներով: Օդանաւակայանի դահլիճին մէջ տեղի ունեցաւ մամլոյ հաւաքոյթ մասնակցութեամբ բազմաթիւ հայ թէ՛ Օտար թերթերու աշխատակիցներուն: Բազմահարիւր հաւատացեալներու ծափոյծոյններուն ներքեւ Վեհափառ Օրհնեց աւանդական հացն ու աղը: Ոստիկանական շքերթով եւ բազմաթիւ ինքնաշարժներու հետեւողութեամբ Վեհափառ Հայրապետը առաջնորդուեցաւ Անկլիքաններու Ս. Յովհաննէս Եկեղեցին եւ Հրաշափառով մուտք գործելէ ետք, Վեհափառ տուաւ իր առաջին պատգամը Մոնթրէալահայութեան:

Նոյն Երեկոյ ժամը 8-ին Քուէին էլիզապէթ Պանդոկի Մարքէթ սրահին մէջ սարքուեցաւ ճաշկերոյթ, որուն ներկայ եղան Քէյպէթի վարչապետը, Մոնթրէալի քաղաքապետը եւ բարձրաստիճան կրօնական ներկայացուցիչներ եւ աւելի քան չորս հարիւր ներկաներ:

2 Յունիս 1968 Կիրակի առաւօտ, ժամը 11-ին, Ս. Յովհաննէս Տաճարին մէջ մատուցուեցաւ հայրապետական անմահ Ս. Պատարագ, որ մէկ ժամ տեւողութեամբ սփռուեցաւ Ս. Պ. Ս. հեռատեսիլի կայանէն, որուն շնորհիւ Գանատայի մէկ ծայրէն միւսը տեսանելի դարձաւ այս պատմական արարողութիւնը: Նոյն Օրը Երեկոյեան ժամը 7-ին, Եկեղեցւոյ շինութեան համար գնուած հողամասին Օրհնութիւնը տեղի ունեցաւ եւ ժամը 9-ին, Գոլէթ ՊրեպէՕֆի արդիական սրահին մէջ Երիտասարդական Փառատօնը:

3 Յունիս 1968 Երկուշաբթի առաւօտ, Վեհափառ Հայրապետը

իր շքախուսմբով եւ Ծխական Խորհուրդի ատենապետ Պր. Երուանդ Ծիշմանեանի գլխաւորութեամբ, անդամներ՝ ՊՊ. Արամ Կուտսուզեանի, Նուպար Սուքիասեանի, Վահէ Ալթունեանի, Վահէ Քէթլիի, ինչպէս նաեւ կարգադիր յանձնախումբէն ՊՊ. Քերովբէ Պտուկեանի, Յակոբ Քէսթէքեանի եւ Տոքթ. ԱրթՅ Տէմիրճեանի, առաջնորդուեցաւ Մոնթ-րէալի Քաղաքապետարանը, ուր դիմաւորուեցաւ մեծայարգ ժան Տը-ռափոյի կողմէ բացառիկ մեծարանքներով :

Նոյն Օրը այցելութիւն ՄԱՐԴԸ ԵՒ ԻՐ ԱՇԽԱՐՀԸ ցուցահանդէսին : Նախ տեղի ունեցաւ մտերմիկ ընդունելութիւն մը Քրիստոնէական Տաղաւարին մէջ եւ, ապա, ցերեկուայ ճաշկերոյթ Քէպէքի Տաղաւարին մէջ, սարքուած Քէպէքի վարչապետ Տանիէլ Ճոնսոնի կողմէ : Այս բացառիկ ճաշկերոյթին մասնակցող Օտար բարձրաստիճան եկեղեցականները եւ հիւրերը կը գլխաւորէր Քէպէքի կրթական նախարարը մեծայարգ ժան Կի Գարտինալը :

Նոյն երեկոյ Քուլին էլիզապէթի մէջ տեղի ունեցաւ հաւաքոյթ եկեղեցւոյս բոլոր մարմիններուն, յանձնախումբերուն, ինչպէս նաեւ քոյր միութեանց վարչական անդամներուն մասնակցութեամբ :

4 Յունիս 1968 Երեքշաբթի, Վեհափառ Հայրապետը, ընկերակցութեամբ Գերշ. Տ. Թորգոմ Արքեպս. Մանուկեանի, Գերշ. Տ. Վաչէ Եպս. Յովսէփեանի, Խորհուրդիս ատենապետ Պր. Երուանդ Ծիշմանեանի, փոխ ատենապետ Պր. Արամ Կուտսուզեանի, պատմական այցելութիւն տուաւ Քէպէք քաղաքը եւ վարչապետ Տանիէլ Ճոնսոնի, ինչպէս նաեւ Գանատայի ընդհանուր կառավարիչ Ռոլան Միչընըրի եւ ներկայ եղաւ իրեն ի պատիւ տրուած ճաշին : Նոյն երեկոյ վերադարձ Մոնթ-րէալ եւ Վեհր առաջնորդուեցաւ դէպի Լորենշըն լեռնաշղթաներու գեղատեսիլ մէկ վայրը մի քանի Օր հանգստանալու համար եւ եղաւ հիւրը Գարիպեան ընտանիքին :

7 Յունիս 1968 Ուրբաթ յ.մ., ժամը 4.30ին, Վեհափառ Հայրապետը իր շքախուսմբով եւ Օդի ճամբով հրաժեշտ առաւ եւ մեկնեցաւ Նիւ Եորք, աւելի վերջ շարունակելու համար իր ուղին դէպի Հարաւային Ամերիկայի հայաշատ գաղութները :

ՀԱՍՏԱՏՈՒՄ ԳԱՆԱՏԱՅԻ ԱՌԱՋ ՓՈԽԱՆՈՐԴՈՒԹԵԱՆ. - Այս տարեշրջանի ընթացքին, Խորհուրդի բարեբախտութիւնն ունեցաւ վայելելու բարձր ներկայութիւնը Գանատայի Առաջնորդական Փոխանորդին գերշ. Տ. Վաչէ Եպս. Յովսէփեանի, որ իր գրասենեակը Մոնթ-րէալ հաստատած ըլլալով, միշտ գտնուեցաւ մեր կողքին, միշտ մեզի հետ, ըլլալ իր տեղին ցուցմունքներով եւ ըլլալ իր կողովի գործունէութեամբ հանդիսացաւ մեր եկեղեցւոյ ամենազօրաւոր ղրժակիրը : Հոս հրապարակաւ պարտք կը համարենք մեր խորին շրնորհակալութիւնները յայտնելու Նորին Սրբազնութեան, ի մասնաւորին մեզ հանդէպ տածած իր ազնիւ զգացումներուն եւ ցաւաբերած անվերապահ գուրգուրանքին համար :

ԱՐԺ. Տ. Մ. ՔՀՆՅ. ՊԻՊԵՆԵԱՆԻ ԺԱՄԱՆՈՒՄԸ. - Այս շրջանին կէսին, Առաջնորդարանի որոշումով ու կարգադրութեամբ, տեղի ունեցաւ տեղափոխումը գաղութինս առժամեայ հոգեւոր հովուութեան կոչուած Հոգշ. Տ. Վազգէն Վրդ. Թադոյեանի, որ նոր կարգադր-

րութեամբ պաշտօնի կը կոչուէր Շիքակոյի Ուոքիկըն համայնքին: Այս անգամ դարձեալ Հիւսիսային Ամերիկայի բարեխնամ Առաջնորդ Գերշ. Տ. Թորգոմ Արք. Մանուկեանի կարգադրութեամբ, գաղութիս առ- ժամեայ հովուութեան կը կոչուէր Արժ. Տ. Մամբրէ Բահանայ Պի - պէնեան, խաչակիր քահանան, որուն ներկայութեամբ գաղութս Օժտը - ւեցաւ երկարամեայ փորձառութեամբ թրծուած եկեղեցականով մը: Տէր ՀՕր կողմէ ցարդ կը շարունակուին հովուական պարտականու- թիւնները առ նց խաբանումի :

ՀՐԱԺԱՐԱԿԱՆՆԵՐ ԵՒ ՔԱՐՏՈՒՂԱՐԻ ՆՇԱՆԱԿՈՒՄ. - Այս մէկ տարուայ շրջանին Խորհուրդիս կազմին մէջ տեղի ունեցան կարգ մը փոփոխութիւններ: Տարի մը առաջ կատարուած ընտրութիւններէն անմիջապէս ետք իր հրաժարականը ներկայացուց խորհրդատու ան- դամներէն Պր. Միսաք Կուտսուզեան: Նկատի ունենալով անոր հրա- ժարականին բանաւոր պատճառները, Խորհրդս հարկադրութեցաւ ընդու- նիլ զայն: Ընդհանուր ժողովի ընտրութեանց ընթացքին քուէներու շարքով առաջին համեմատականի մնացող Պր. Վահէ Բէթլի իսկոյն հրաչիւրուելով մաս կազմեց Խորհուրդիս: Կարճ ժամանակի ընթաց - քին սակայն Խորհուրդս ստացաւ երկրորդ հրաժարական մը ատենա- դրպիւրի պաշտօնը վարող երիտասարդ ու յարաշարժ Պր. Ալպէր Մար- տիկեանէ, որ գործով կը փոխադրուէր Գանատայի մէկ հեռաւոր քա- ղաքը: Պր. Մարտիկեանի ակամայ հեռացումը իր այնքան սիրած ու պաշտած գաղութէն խոր ցաւ պատճառեց բոլորիս: Հոս պարտականու- թիւն կը նկատենք անգամ մը եւս մեր շնորհակալութիւնները յայտ- նելու մեր ժրջան ընկերոջ իր թափած կարեւոր ճիգրուն եւ աշ- խատանքներուն համար: Պր. Մարտիկեանի փոխարէն կանչուեցաւ Պր. Հայկ Միսաքեան, որ ընտրութեանց ատեն երկրորդ պահեստն էր: Այս պատճառաւ ատենադպրութեան պաշտօնը յանձնուեցաւ Պր. Վահէ Բէթ- լիի, որ կը վարէ իր այս պաշտօնը մինչեւ այսօր: Այս շրջանին, գրասենեակի գործերուն աւելի զարկ տալու մտք քարտուղարու- թեան պաշտօնին հրաւիրուեցաւ Տիկին Արաքսի Ազնաւուր, որ հեր- թաբար կը շարունակէ կը պաշտօնը, Օգտակար հանդիսանալով Խոր - հուրդիս: Ինչպէս ասկէ առաջ, այս շրջանին եւս իր Օգտակար մաս- նակցութիւնը բերաւ Պր. Գրիգոր Գըլճեան, որուն ջանքերուն եւ ձեռնհասութեան շնորհիւ լոյս կը տեսնէ մեր բոլորին սիրած ու անհամբերութեամբ սպասած ԲՈՒՐԱՍՏԱՆը: Հոս մեր շնորհակալութիւն- ները կը յայտնենք Տիկին Ազնաւուրի եւ Պր. Գըլճեանի :

ԱՌԱՋՆՈՐԴԱԿԱՆ ՓՈՒՆՈՐԴՈՒԹԵԱՆ ԵՒ ՀՈՎԻՒԻՆ ՅԱՏԿԱՑՈՒՄՍ ՍԵՆԵԱԿՆԵՐՈՒ ԶԱՐԴԱՐՈՒՄ. - Այս շրջանին, պողոտային վրայ նայող վերնայարկի սենեակը նորոգուելով եւ բարեփոխուելով, ու Գերշ. Տ. Վահէ եպս. Յովսէփեանի անձնական ջանքերով կահաւորուելով, տրամադրուեցաւ Սրբազան ՀՕր ողպէս գրասենեակ Գանատայի Առաջ- նորդական փոխանորդութեան, որ կը գործածուի նաեւ Խորհուրդիս ժողովներուն համար: Վերնայարկի քովնտի սենեակը եւս նորոգուե- լով եւ կահաւորուելով, տրամադրուեցաւ գաղութիս հովիւին ողպէս աշխատասենեակ :

ԲՈՒՐԱՍՏԱՆ. - Կարժէ մեր հրատարակութեան, ԲՈՒՐԱՍՏԱՆի մասին, շնայել մի քանի տողեր: ԲՈՒՐԱՍՏԱՆը, ն. Ս. Օ. Տ. Տ. Վազգէն Ա. Կաթողիկոսի այցելութեան առթիւ լոյս տեսաւ երկու բացառիկ թիւերով, տպագրուած եւ նկարաներով զարդարուած, որոնք գնահատու- ւեցան բոլորէն, ինչպէս նաեւ նոյնինքն Վեհափառ Հայրապետին

կողմէ: Տարուէ տարի բազմացող այս գաղութին գոհացում տալու կոչուած մեր հրատարակութիւնը իր ճոխ բովանդակութեամբ այսօր կը գրաւէ կարեւոր տեղ մը ուրիշ հրատարակութիւններու կողքին:

Հոս մեր տեղեկատուութեան մէջ մի առ մի պիտի չթուենք մեր մարմիններուն եւ յանձնախումբերուն գլուխ հանած գործունէութիւնները: Քանի որ քիչ ետք իւրաքանչիւրը ձեզ պիտի ներկայացնէ իր տեղեկատուութիւնը:

ԿՈՄԻՏԱՍ ԴՊՐԱՑ ԴԱՍ. — Միայն հոս տեղին կը գտնենք յիշել Կոմիտաս Դպրաց Դասու բոլորանուէր ծառայութիւնները ի պայծառութիւն մեր եկեղեցւոյ: Դպրաց Դասու իւրաքանչիւր անդամը, որ բերած է իր մասնակցութիւնը տասնեակ տարիներէ ի վեր, գնահատանքի արժանի է ամէն բանէ աւելի: Տարիներէ ի վեր իր գործուն աշխատութիւնը բերող Դպրաց Դասու ղեկավարը, Պր. Յարութիւն Մանասեան, իր անձնական պատճառներով հրաժարեցաւ այս պաշտօնէն: Ամենայն Հայոց Հայրապետին քաղաքս գտնուած Օրերուն եւս Կոմիտաս Դպրաց դասը իր ամբողջական կազմով բերաւ իր մասնակցութիւնը մատուցուած անմահ ու անմոռաց Ս. Պատարագին, որուն ղեկավարի պաշտօնը յանձնուած էր այդ Օրերուն դեռ նոր ժամանած Պր. Գեղամ Եփրովանեանի, որուն եւս կը յայտնենք մեր շնորհակալութիւնները: Մանասեանի հրաժարումէն ետք, Խորհուրդս յարմար նկատեց Կոմիտաս Դպրաց Երգչախումբը պատրաստելու պաշտօնը յանձնել բազմամուտ Տիկին Մարգրիտ Ջավադթեանի, որուն անշահախընդիր մասնակցութեամբ կարելի պիտի դառնայ կարճ ժամանակի մէջ ունենալ որակաւոր երկսեռ քառաձայն երգչախումբ մը, որ պիտի գայ լրացնել շատ կարեւոր պակաս մը: Այս առթիւ մեր խորին շնորհակալութիւնները կը յայտնենք Տիկին Ջավադթեանի, որ հակառակ իր բազմազբաղ վիճակին, ընդառաջելով Խորհուրդիս հրաւերին, կը մարզէ ու կը ղեկավարէ Կոմիտաս Դպրաց Երգչախումբը:

ՇԱԲԱԹՆ ՕՐԵԱՅ ՎԱՐԺԱՐԱՆ. — Այս շրջանին վարժարանին մէջ տեղի ունեցան կարգ մը փոփոխութիւններ: Նախապէս, Կիրակն Օրեայի եւ Հայ Լեզուի դասընթացքները թէեւ նոյն Օրը տեղի կը ունենային, սակայն բաժնուած էին անջատ աշխատութեան վարչաձեւով: Այս տարեշրջանին երկու մասերը իրարու միացուեցան նոյն խրանամակալութեան ներքեւ: Խորհուրդիս որոշումով վարժարանը ունեցաւ տնօրէն մը յանձին Պր. Նուպար Մամուրեանի, որուն մասնակցութեամբ եւս վարժարանը կ'արձանագրէ նոր նուաճումներ:

ՅԱՐԳԱՆՔԻ ԵՐԵԿՈՅԹ. — Այս շրջանին, առաջին անգամ ըլլալով, Միակն Խորհուրդիս որոշմամբ կազմակերպուեցան յարգանքի երկու հաւաքոյթներ, մին նուիրուած Տիկին Լիւսի Քէսթեթեանի, իսկ միւսը Պր. Յարութիւն Մանասեանի: Առաջինը որպէս մազմահամուտ կը թափան մշակ, որ ծառայած էր գաղութիս Կիրակն Օրեայ վարժարանին վեղելքին, իսկ երկրորդը որպէս անխոնջ վարիչը Կոմիտաս Դպրաց Դասին: Մեր յարգարժան բարեկամները, երկարամեայ ծառայութենէ յետոյ ներկայացուցած էին իրենց հրաժարականները: Այս բացառիկ երեկոյթներուն կազմակերպութիւնները յանձնուած էին Մամիկոնեան Մշակութային Միութեան եւ Հ. Ե. Ե. Կազմակերպութեան, որոնք գեղարուեստական ճոխ յայտագիրներով գնահատելի աշխատանք կատարեցին:

ԽՈՐՀՐԴԱԿՑԱԿԱՆ ԵՒ ԱՆԴԱՄԱԿԱՆ ԺՈՂՈՎՆԵՐ. — Այս շրջանին տեղի ունեցան երկու խորհրդակցական ժողովներ մասնակցութեամբ բոլոր մարմիններու եւ յանձնախումբերու եւ տրուեցան կարեւոր որոշումներ յառաջիկայ գործունէութեանց առնչութեամբ: Տեղի ունեցան նաեւ անդամական երկու ժողովներ, մին բոլորովին տրամադրուած եկեղեցւոյ շինութեան իսկ միւսը որպէս նախապատրաստական ժողով:

Թեմական Պատգամաւորական ժողովին, որ տեղի ունեցած էր նիւ Եորքի մէջ նախագահութեամբ Ամենայն Հայոց Վեհափառին, զաղուծիս կողմէ պաշտօնապէս ներկայ գտնուած էին ՊՊ. Յակոբ Քէսթէքեան եւ Երուանդ Շիշմանեան, ինչպէս նաեւ Ժանօթ անձնաւորութիւններէ խումբ մը ներկայ եղաւ Մայր Տաճարի մէջ մատուցուած երկրորդ Ս. Պատարագի արարողութեան:

Առաջնորդարանի Մայր Տաճարի Օծման բացառիկ հանդիսուծեան, զաղուծիս համար եւս տրամադրուած էին երկու հրահրատմասեր: Խորհուրդս յարմար դատեց այդ հրահրատմասերը տրամադրել եկեղեցւոյս տեւականօրէն ծառայող Հաճի Մայրիկ Նազարեանի եւ երիտասարդացի այդ Օրերու ատենապետ Պր. Ալէքս Գուլիսթեանի, որոնք ներկայ գտնուեցան Օծման աննախընթաց արարողութիւններուն:

Քէպէքի վարչապետ Տանիէլ ճոնսոնի անակնկալ մահը խորցաւ եւ վիշտ պատճառեց զաղուծիս եւ ի մասնաւորի Խորհուրդիս անդամներուն: Դեռ կարճ շրջան մը առաջ, Ամենայն Հայոց Հայրապետի քաղաքս տուած շնորհաբեր այցելութեան Օրերուն, մեծայարգ վարչապետին ցոյց տուած անկեղծ վերաբերմունքը եւ մօտիկ հետաքրքրութիւնը հանդէպ Վազգէն Ա. Կաթողիկոսին, մեր սրտերուն եւ հոգիներուն մէջ հազիւ տեղաւորուած, իր մահուան գոյժով վիշտով լեցուց մեր բոլորին սիրտերը եւ Քէպէքի մէջ տեղի ունեցած յուղարկաւորական արարողութեանց ներկայ գտնուեցաւ Գանատայի Առաջնորդական Փոխանորդ Գերշ. Տ. Վաչէ Եպս. Յովսէփեան իսկ քաղաքիս մէջ կազմակերպուած յարգանքի արտայայտութեան, գլխաւորութեամբ Սրբազան Հօր եւ մասնակցութեամբ Արժ. Տ. Մ. քահանայ Պիպէռեանի եւ Ծխական Խորհուրդիս անդամներուն, պատւիրակութիւն մը ներկայ գտնուեցաւ:

Գաղութիս տարուէ տարի աճող ու բազմացող թիւը կը դժուարացնէ հասցէներու հարցը: Նկատի ունենալով այս պարագան, այս շրջանին մասնաւոր աշխատանք տարուեցաւ հասցէները պատրաստելու եւ կանոնաւորելու համար: Հոս հաճոյքով կրնանք լսել թէ դժուարին ու կ'նճուտ այդ հարցը գլուխ հանուեցաւ գրեթէ կատարեալ կերպով եւ նոյնիսկ գօտիներու նոր թիւերով:

Այս տարեշրջանին, Քաղաքապետարանի կողմէ եկեղեցւոց շինութեան համար գնուած հողամասին 1000 տուարի տուրք մը սահմանուած էր: Խորհուրդիս ջանքերուն շնորհիւ այս տուրքը շնջուեցաւ գոհունակութիւն պատճառելով բոլորին:

Ծխական Խորհուրդս այս շրջանին կազմակերպեց դաշտագրնացութիւն մը Ս. Աստուածածնայ տօնին զուգարկաբար 13 Օգոստոսի Կիրակի Օրը, ինչպէս նաեւ ճաշապար մը անցնող տարուայ

Նոյեմբեր 2-ին, գերմանական ակումբին մէջ :

Մեր այս մէկ տարուան գործունէութեան շրջանին իրենց կարեւոր մասնակցութիւնը բերին մեր երկու քոյր կազմակերպութիւնները՝ Թէքէեան Մշակութային Միութիւնը եւ Հ.Բ.Ը.Մ.ի հովանաւորութիւնը վայելող Հ.Մ.Ը. Միութիւնը, որոնք իրենց ամբողջական կազմերով, նիւթական ու բարոյական միջոցներով, իրենց ռատիոժամով, ինչպէս նաեւ զանազան հանդէս-հաւաքոյթներով, սատարեցին մեր եկեղեցւոյ պայծառութեան: Հոս, այս առթիւ, պարտինք մեր խորագրաց շնորհակալութիւնները յայտնել Թէքէեանի, Հ.Մ.Ը. Միութեան, ինչպէս նաեւ Հ.Բ.Ը. Միութեան Մոնթրէալի մասնաճիւղի վարչութեանց յարգարժան անդամներուն, մաղթելով նորա նոր յաջողութիւններ իրենց յառաջիկայ ազգօգուտ գործունէութիւններուն:

Ծխական խորհուրդս այս նստաշրջանը բոլորեց ներդաշնակ գործունէութեամբ, ըլլալ իր կազմին եւ ըլլալ իր անդամներուն ու մարմիններու միջեւ: Խորհուրդս քաջ կ, ըմբռնէ, թէ առանց համայնքի աջակցութեան ու կարեւոր ոյժերու համախմբման եւ անոնց մասնակցութեան ու քաջալերութեան, որ եւէ Երեսկան Խորհուրդ չի կարողանար ակնաւոր արդիւնքի յանգիլ, մենք վստահ ենք ու հաւատացած ալ, որ մեր ազնիւ համայնքը, յառաջիկայ կարեւոր ձեռնարկներուն, ձեռք ձեռքի տուած, մէկ սիրտ եւ մէկ հոգի դարձած, էամօքն Աստուծոյ, պիտի կանգնէ իր սեփական տաճարը եւ սրահները, որոնց մուր կամարներուն ներքեւ պլպլացող Լուսաւորչի կանթեղի լոյսէն ներշնչուած, պիտի կարողանայ աւելի զարկ տալ հայապահպանման դժուարին աշխատութեանց հիւրընկալ եւ ազատ այս երկրին մէջ :

Այսօր Խորհուրդիս կազմէն, ըստ կանոնագրութեան, կը դադրին ՊՊ. Համբարձում կէօջէրեան, Հայկ Միսաքեան, Հրաչ Թորիկեան եւ Վահէ Բէթլի, ինչպէս նաեւ կը հրաժարի ամենագործօն եւ Օգտակար անդամներէն Պր. Արամ Կուտսուզեան իր ամբողջական պատճառովը: Այս առթիւ կ, արժէ ձեզ պատուական անդամներուդ ներկայութեան մեր խորին շնորհակալութիւնները յայտնել մեր սիրելի պաշտօնակից Պր. Արամ Կուտսուզեանի մատուցած անզին ծառայութիւններուն փոխարէն, մաղթելով իրեն արագ ապաքինում ու կրկին վերադարձ իր այնքան սիրած համայնքի գործերուն :

Սիրելի անդամներ, հոս վերջ կուտանք Խորհուրդիս բոլորած այս մէկ տարուան նստաշրջանի գործունէութեանց եւ աշխատութեանց բարոյական տեղեկատուութեան ողջունելով ձեզ բոլորդ, յարգարժան անդամներ, մաղթելով իւրաքանչիւրիդ արդիւնաբեր ու բեղնաւոր տարի մը :

ԾԽԱԿԱՆ ԽՈՐՀՈՒՐԴԻ
ԱՏԵՆԱԴՊԻՐ

ԾԽԱԿԱՆ ԽՈՐՀՈՒՐԴԻ
ԱՏԵՆԱՊԱՏ

ՎԱՀԷ ԲԵՒԼԻ

ԵՐՈՒԱՆԻ ԾԻՇՄԱՆԵԱՆ

Ծ. Խ. Զանազան այլ մարմիններու տեղեկատուութիւնները պիտի տանք մեր յաջորդ թիւով :

ԱՆԴԱՄԱԿԱՆ ՏԱՐԵԿԱՆ ԸՆԴՀԱՆՈՒՐ

ԺՈՂՈՎ ԵՒ ԸՆՏՐՈՒԹՅՈՒՆ

— 0 —

Ծխական տարեկան ընդհանուր ժողովը տեղի ունեցաւ 23 փետրուարին, Կիրակի կ.վ. ժամը 4-ին ՀԱՅ ՏՈՒՆԻ սրահին մէջ ։ նախագահութեամբ Գանատայի Առաջնորդական Փոխանորդ Գերշ. Տ. Վաչէ Եպս. Յովսէփեանի, որ իր քով ունէր զաղուծիս հոգեւոր հովիւր ։ Արժ. Տ. Մամբրէ Բահանայ Պիպէռեանը ։

Ժողովը սկսաւ Սրբազան ՀՕր աղօթքով եւ, ապա, ձեռնարկը կ'ուսուցանէր ընտրութեան ։ Միաձայնութեամբ ղիւանի ատենապետ ընտրուեցաւ Տոքթ. Յակոբ ԳարակէՕգեան, իսկ քարտուղարութեան ՊՊ. Միսաք Կուտսուզեան եւ Սարգիս Տողրամաճեան ։

Դիւանի կողմէ կարգաւ ընթացք տրուեցաւ Օրակարգի գործադրութեան ։ Գաղութիս հոգեւոր հովիւ արժանաշնորհ Տ. Մամբրէ քհնյ. Պիպէռեան կարգաց իր տեղեկատուութիւնը տալով հակիրճ մանրամասնութիւններ իր գործունէութեան շուրջ ։

Աւելի ետք Ծխական Խորհուրդի տարեկան տեղեկատուութիւնը կարգաց ատենադպիր Պր. Վահէ Բէթլի / Միայն տեղեկատուութիւնը ամբողջութեամբ կուտանք առանձինն / խոր տպաւորութիւն թողլով ներկաներուն վրայ եւ արժանանալով բոլորին գնահատանքին եւ միաձայն վաւերացումին ։ Ծխական Խորհուրդի ենթակայ մարմինները ներկայացուցին իրենց տեղեկատուութիւնները կարգաւ ։ Տիկին Ալիս Մելքոնեան կարգաց Տիկնանց Օժանդակին, Պր. Ժիրայր Նըշանեան Կոմիտաս Դպրաց Դասինը, ԿարՕ Շամլեան Եկեղեցաշինութեան յանձնախումբինը, Սարգիս Տողրամաճեան Հ. Ե. Ե. Կ. ին եւ նաեւ Արա Կէտիքեան հաշուեկշիռի մասը, ԿարՕ Շամլեան Մամի կոնեան Մշակութայինը, Բոլորն ալ խանդավառեցին անդամները եւ արժանացան անոնց գնահատանքին ։ Մասնաւոր յիշատակութեան արժանի է Դպրաց Դասինը, պատրաստուած ատենապետ Պր. Ժիրայր Նըշանեանի կողմէ ։

Ապա հանդէս եկաւ Ծխականի զանձապահը, Պր. Վահէ Ալթունեան, որ նախապէս տպուած եւ բաժխուած զանազան հաշիւներու շուրջ բացատրութիւններ տուաւ ։ Հաշուեքննիչ մարմնի տեղեկագիրը կարգաց Պր. Անդրանիկ Չատրճեան եւ գոհունակութեամբ ու գնահատանքով արտայայտուեցաւ Պր. Ալթունեանի կատարած բժախընդիւր աշխատանքին շուրջ ։ Տոքթ. Արշալիր ԿէՕնճեան կարգաց Ընտրորդական Յանձնախումբի տեղեկատուութիւնը, որմէ ետք ձեռնարկուեցաւ Ծխականի պաշտօնէ դադարեալ անդամներու փոխարէն նորերու ընտրութեանը ։ Ընտրուեցան ՊՊ. Հայկ Միսաքեան, Յակոբ Թազուրեան, Գէորգ Ճանքուլ, Միսաք Կուտսուզեան եւ Վահէ Բէթլի ։ Եկեղեցաշինութեան Յանձնախումբին անդամ ընտրուեցան ՊՊ. Յակոբ Բէսթէքեան, Աշոտ Գարիպեան, Հայկ Շիրոյեան ։ Ներկայ անդամները լսելէ վերջ Գերշ. Տ. Վաչէ Եպս. Յովսէփեանի փակման խօսքերը եւ պահպանողական խոր գոհունակութեամբ մեկնեցան սրահէն ։